

荊州駐防八旗志

荊州駐防八旗志目錄

卷四

建置志

城池

街坊

官署

寺觀

祠宇

公所

義地

古蹟

卷五

風土志

風俗

卷六

食貨志

恤政

銀庫

戸口

領支

紅白局

倉廩

厰地

卷七

學校志

義學

學額

書院

荊州駐防八旗志卷四

建置志第一

城池

城垣之制高二丈六尺餘周二千四百七十丈計十七里三分東西徑七里三分南北縱三里七分康熙二十二年旗兵設防於此慮兵民之襍廁也因中畫其城自南紀門東迄遠安門西繚以長垣高不及城者半名曰界城其東則將軍以下各官及旗兵居之遷官舍民廛於界城西城之門凡六東曰賓賓東南曰德勝今改曰公安東北曰遠安俗呼小北門俱在

界城東西曰安瀾南曰南紀西北曰拱極俗呼大北門俱在界城西界城之門凡二一曰南新門一曰北新門大城及界城各門皆旗營官兵守之印房司鎖鑰焉

雍正五年淋雨界城圯六年修築費帑金三千餘兩七年復給帑六百金補修駐防城牆乾隆二十一年重葺城垣計費帑金二萬有奇五十二年堤決城潰明年 欽差大學士公阿桂興築因安瀾門與遠安門極低窪堤決時水由安瀾門入城而遠安門受災與安瀾門等遂均縮入數十丈及城東南陬亦縮

十餘丈餘悉如故址始事於五十四年二月畢工於五十七年九月費帑金二十萬六千有奇道光間凡四修城垣一修界城咸豐間一修垣濬壕一建寅賓門樓同治間一修公安門樓一修城垣

環城爲濠濶一丈六尺餘深丈餘初通大江自江堤築後則以馬山爲源西通秘師橋繞城南流至公安門東少折而南而東出沙橋其北流至遠安門折而東北經草市注長湖

坂東舊水道由便河橋通會橋元妙觀一出城北水洞一出城南水洞

荊州駐防八旗志卷四

建置志第二

街防

鑲黃旗大街

在將軍署後

正黃旗大街

在遠安門內

正白旗大街

在貞齋門內

正紅旗大街

在北界門內

鑲白旗大街

在將軍署東

鑲紅旗大街

在將軍署西

正藍旗大街

在德勝門內

鑲藍旗大街

在南界門內

青宮端宋坊

在德勝門內前明陞慶間爲太傅劉楚先立

天曹主爵坊

在德勝門內前明陞慶間爲中丞張汝濟立

帝賚良弼坊

在寅賓門內前明萬曆間爲太師張居正立

精忠貫日坊

在遠安門內前明萬曆間爲荆郡忠臣立

荊州駐防八旗志卷四

建置志第三

官署

將軍署 在寅賓門內大街共一百三十九間同治十年重修

左翼副都統署 在將軍署東共六十五間咸豐八年重修

右翼副都統署 在遼安門內大街路西共五十九間光緒四年重修

協領兼佐領十員

鑲黃旗協領署 在永福巷後

正黃旗協領署 在右翼都統署西

正白旗協領署 在寅賓門內大街

正紅旗協領署 在承天寺東

鑲白旗協領署 在左翼都統署東南

鑲紅旗協領署 在承天寺西

正藍旗協領署 在左翼都統署南

鑲藍旗協領署 在南界門大街

左翼協領署 在將軍署東北

右翼協領署 在北界門大街

以上協領衙署各十六間

佐領四十六員俱在各旗管轄地面設衙署各十二間

防禦五十六員各衙署八間俱在各旗管轄地面

驍騎校五十六員各衙署六間俱在各旗管轄地面  
筆帖式三員各衙署六間原在將軍署前今圮

領催前鋒甲兵房屋各二間俱隸在牛象地面

小甲房屋各一間俱隸在牛象地面

荊州駐防八旗志卷四

建置志第四

寺觀

承天寺 在將軍署西北隅卽羅舍故宅歷宋元并  
爲大刹明遼王改藩荊州四世皆加修葺規模益廓  
會建七級浮圖於其內久壞今山門左有亭覆一器  
如釜徑約四五尺圍丈餘鐵質府縣志皆指爲鐵鑊  
相傳金陵聚寶門外亦有二具土人云爲報恩寺塔  
頂塔爲粵逆所毀其頂尙偃卧於瓦礫榛莽中形製  
與此無少異唯較大此者十有三按寺中舊有僧伽

非少馬... 方云... 卷四  
妙應塔作於高氏後毀僧智珠修之黃山谷爲作記  
曾建七級浮圖則此物爲塔頂無疑謂爲鐵鑊者不  
知何據又聞寺中舊有古舍利七唐畫羅漢十六尊  
今俱無

華嚴菴

永福菴

延壽菴

白衣菴

天齊廟

遠鎮禪林

丹桂林

祝融菴

東水月林

以上在鑲黃旗街

馬王廟

武當宮

西水月林

慈航禪林

萬潤菴

地藏菴

妙明菴

以上在正黃旗街

普陀宮

護國菴

觀音閣

崇德禪林

長壽宮

復興禪林

吉祥禪林

二郎廟

觀音閣

以上在正白旗街

天齊廟

漢關廟

德勝禪林

觀音閣

關帝廟

二聖菴

藥王廟

萬佛樓

以上在正紅旗街

清佛寺

石林精舍

圓通菴

漢夫子廟

福海禪林

妙高寺

關帝廟

馬王廟

城隍廟

三皇廟

古關帝廟

以上在鑲白旗街

延壽巷

菩提場

準提巷

太平巷

潮印禪林

聖壽宮

嵩祝林

善興巷

以上在鑲紅旗街

西竺禪林

遊仙坊

寶勝禪林

福昌寺

廣福禪林

大士禪林

魯班廟

觀音巷

萬壽菴

關帝廟

以上在正藍旗街

報國禪林

高龍菴

關帝廟

遵教禪林

馬王廟

長生閣

關帝廟

以上在鑲藍旗街

荊州駐防八旗志卷四

建置志第五

祠宇

荊州府學 在將軍署西南由元明迄 國初代  
有修廢乾隆三十八年將軍綽和諾率巡道等重修  
五十三年江水潰城發帑加修其剝建始末殿宇制  
度均詳府志

名宦祠 在戟門左

鄉賢祠 在戟門右

奎文閣 在大成門東

關聖廟 在將軍署前卽萬古樓

文昌宮 在南界門內大街

承天寺 在北界門內大街

萬壽亭 在承天寺內每逢 聖誕 令節各官

於此朝賀

昭忠祠 舊在古樓西咸豐八年將軍綿洵創建歲

八頃圮同治八年將軍巴楊阿督飭世職人員改建

於遊仙坊之東

文果毅公祠在安瀾門外二里許同治八年建

錫武烈公祠 待建

福果愍公祠

待建

莽將軍祠

在遼安門外十里埠康熙四十二年建

拜將軍祠

在遼安門外十五里龍陂橋

官巴二公祠

在將軍署西北

荊州駐防八旗志卷四

建置志第六

公所

演武廳一所 在南紀門外計縱橫四百四十八丈

印房一所 在將軍署內東偏

左司一所 在將軍署東

右司一所 在將軍署西

銀庫一所 在將軍署前路西

紅白局一所 在將軍署前路東

礮營一所 在將軍署東

驗收課租局一所 在砲營東

箭亭五十六所 在各牛彖街兵丁習射處

軍器庫五十六所 在各牛彖辦公處

火班房五十六所 在各牛彖街

旗務處十所 在各旗協領署附近

汲桶房八所 在各旗正街

堆撥房五十六所 在各牛彖地面

城上堆卡三十六所 按八旗城垣各分段落

八旗步營一所 在步營協領署前

東四旗步營一所 在左翼四旗步營佐領署

西四旗步營一所 在右翼四旗步營佐領署

宣威營四所兩旗公設一所每屆封印後輪流值班

巡查

將軍署前八旗步營一所後八旗步營一所

左翼都統署後四旗步營一所

右翼都統署後四旗步營一所

荊州駐防八旗志卷四

建置志第七

義地

按八旗墜地置自乾隆二十二年向例駐防兵丁病故其骨殖以及遺存寡婦眷口每年一次差官護送回京沿途舟車夫馬俱由地方官應付乾隆二十一年三月內奉

上諭嗣後駐防兵丁等著加恩准其在外置立產業病故後准其在各該處埋葬其寡妻停其送京但各處情形不同兵丁內有無力置地營葬者亦未可定著將

軍都統等酌量動公項置地畝以爲無力置地窮兵  
公葬之用欽此經將軍嵩椿行飭地方官勘得城南  
杉木河麥家塘以至城西龍山寺戴家灣等處無稅  
官地一百六十餘畝分作八段豎立界石永爲八旗  
公葬之地移知督撫立案俾免爭訟八旗兵丁感沐  
生順死安之惠焉

鑲黃旗義地二十畝在公安門外杉木河花茆台等  
處

正黃旗義地在安瀾門外龍山寺戴家灣公安門外  
杉木河等處共計田二十畝

正白旗義地二十畝在公安門外杉木河一帶

正紅旗義地二十畝四分在安瀾門外戴家灣

鑲白旗義地二十畝在公安門外鳳凰台前

鑲紅旗義地二十畝在安瀾門外孟家集

正藍旗義地在公安門外杉木河麥家塘等處共計二十畝

鑲藍旗義地二十畝在南紀門外

八旗公義地一形計田十九畝在南紀門外東堤北首同治間前成都將軍魁玉捐置

荊州駐防八旗志卷四

建置志第八

古蹟

仲宣樓 在城之東南隅卽古望沙樓南平高季興  
建宋陳堯咨鎮荆時更今名或謂仲宣樓在襄陽當  
陽然梁元帝出江陵還詩有朝出屠羊縣夕返仲宣  
樓之句是江陵之樓不爲無據 國朝乾隆四十四  
年荊州將軍輔國公與肇重建五十三年江水潰城  
樓亦圯道光間駐防耆舊醮金復葺新之

羅含宅 相傳承天寺卽其故址按晉書含字君章

耒陽人爲桓溫別駕在宦舍有一白雀飛集堂宇清宮故事謂舍以居近巖崖徙居城西三里小洲上盛洪之荊州記謂舍距城西百餘里瞰州爲樓後人名其地爲羅公洲據此三說則舍宅之在荊州者非一承天寺爲始居之宅抑卽官舍殆弗可考矣

熙春台 在承天寺內爲羅舍游宴之所

叢蘭精舍 在承天寺內羅舍致仕還荆叢蘭生於階庭人謂德行之感南宋羅季能以荆湖制司幕府客治江陵卽承天寺開叢蘭精舍屬魏了翁記其事津陽門芳故東門名梁承聖三年孝元帝幸此門講

武風雨忽集趨駕而歸後遇害葬此門外

曲江樓 古南樓也世說桓元在江陵南樓作王孝伯詩卽此唐左丞張曲江嘗賦咏其上宋張栻因更名曲江樓樓久圯今府庠前城上文峰乃其遺址俗以南城門樓當之非是文峰凡三巔銳如筆土人呼其地爲三管筆

雄楚樓 在北城上卽高氏子城樓蓋取杜甫賀陽城郡王新樓成詩有西北樓成雄楚都之句以名之也久廢咸豐間將軍宗室綿洵重建按高氏子城唐天成二年築

東山書院俗呼大書院 在城內東北隅按東山岡  
在荆門州其地爲宋狀元孫何兄弟讀書處元時荆  
門隸荊州屬其州人士構書院於郡城爲講習之所  
故以東山名 國朝改荆門爲直隸州書院遂廢迄  
今故址猶存

撥公梳 在德勝門內撥公諱君錫絳縣人崇禎十  
四年司訓荊州闖賊至守土官吏皆走公獨率士民  
守城既陷賊黨羅汝才生得公縛於梳上以箭攢射  
之積三日夜公血肉狼籍罵賊猶不絕口賊乃茂解  
之其梳厯百七十餘年霜雪侵蝕風過輒搖之若扇

傾然卒不朽蹟偶撼之則立嘔血嘉慶二十二年  
軍恒穎就桅側襲石勒公名樹之明日桅折

四牌樓 在將軍署東明輔國公朱儼赤立人圮乾  
隆四十四年荊州將軍公興肇重建同治十年將軍  
巴揚阿倡捐重修加高三尺許

張文忠公故宅 在將軍署東今正白旗協領署卽  
其故址按萬曆元年公當國時御題捧日樓純忠堂  
並御書爾爲鹽梅汝作舟楫一聯以賜之削籍後第  
宅口廢 國初純忠堂尙在時已淪爲傳舍公會孫  
同做贖歸以奉公祠今則堂亦並圯惟門前照壁僅

存相傳照壁不可犯或鋤鋪妄入雷卽隨之雖冬日不爽亦一奇也

南園卽張文忠公花園 在其故第前 園初猶有遺沼荒亭今則寔爲屋舍矣又有樂志園爲文忠東園在東門外

劉文恪公故宅 在東城今無攷疑在青宮端梁坊附近

荊州駐防八旗志卷五

風土志第一

風俗

冠婚喪祭滿洲蒙古各遵祖制節文雖異總之不踰乎禮法者近是婚娶初聘先延媒妁踵女家通言議一允始擇良辰用釵獨酒果之屬謂之行聘迨及歲由原媒復踵女家索女生庚選擇吉期先一日送奩具設筵邀親友行親迎禮合卺次日謁祖先執贄見舅姑以及親友名曰識大小踰夕女歸甯喪葬將屬纊時延僧封殮成服三日後關門按喪日推算回煞

是夜設酒肴于屬纊處家人避于外舍相傳有煞神引亡魂歸家觸之則凶發引前一夕陳設奠獻名曰家祭送葬日用童子八人歌誦蓼莪親友陪送扶輦車至墓所封窆畢廬墓五日而後返本防官兵百日後脫孝服雖照常當差仍從素二十七箇月舉貢生監暨膺外任者并照律丁憂二十七箇月 祭祀相傳正月十六日祖宗生辰滿洲蒙古各祭于家春秋二季月朔家長于祖宗位前跪擇吉日合族人祀之大祭滿洲則用猪一蒙古則用牛一或羊一小祭或米糕或水餈餈伏汁酒等物不一其類祀之日啟族

譜隨時詳登新娶婦及新添子女共請帶藍白線索  
春露秋霜子孫登隴墓化紙錢盡追遠之禮以抒孝  
思凡婚喪事各旗俱有公贈稱家有無不事浮文縛  
節十二月二十三日比戶燃香設飴餽酒舖祀竈除  
夕家人張燈彩懸桃符洒掃庭除具衣冠踵各親友  
處辭年夜半具香燭先禮天地祖宗次及父母尊長  
卽向喜神方各廟上香謂之出行元旦親戚姻婭互  
相往來登堂叩賀主人先款以茶菓隨飲以酒而後  
去士習端方非公事不入公門從不干預詞訟時藝  
外兼習詩古文辭交游重節義尙酬答其俗儉約不

染華靡之習性質誠樸不尚騎矜精騎射勇往果敢  
善戰守之術

荊州駐防八旗志卷六

食貨志第一

恤政

乾隆五十三年江水泛漲衝決萬城大港口御路口一帶堤埝二十一處長四百餘丈衝開西北二門大水貫注滿漢城深至一丈五六尺不等經將軍侯圖桑阿等具奏奉旨發帑銀二百萬兩解荆賑恤特派欽差來荆查辦所有滿營倒塌官兵房屋冲失軍器一切奏請借支俸餉修理道光二十二年江水陡漲萬城上漁埠頭大堤冲決郡城被淹水

高丈餘官兵房間被衝者共一千餘間經將軍祿普等奏請將本滿營存貯藩庫馬價銀內動撥二萬三千五百兩借給該官兵等自行修理統作五年扣還道光二十四年江水陡漲將李家埠堤身漫溢成口郡城被淹官兵房屋被衝共需銀一萬六千二百兩修理經將軍恒通等奏請將本滿營存貯藩庫馬價銀內動撥銀八千八百餘兩借給該官兵等自行修理統作五年扣還雍正四年陸續解到抄沒原任將軍阿魯家產奉旨賞給兵丁永遠資濟銀一萬零三百三十八兩七錢七年奉旨賞給兵

丁銀二萬兩由湖北藩司解到經將軍吳納哈 奏  
准開設當舖二官舖十以二分起息八年奏部咨將  
息銀賞給兵丁紅白事件概不取利乾隆二年山東  
布政使司鄭禪保條奏生息銀兩改爲一分起息本  
年十二月奉部咨前項息銀賞給兵丁技勇優長並  
惠養孤寡人等五年正紅旗都統來咨資濟銀以二  
萬兩作本生息九年將軍德敏 奏准停止開設當  
舖立資濟庫將庫銀借給兵丁立馬修房紅白事並  
製辦軍器出差引 見等事十一年正紅旗都統  
來咨前項息銀以四萬五千兩作本生息 賞給兵

丁紅白事件三十四年奉部咨停止生息所有 賞  
資荊州兵丁紅白事件技勇優長孤寡人等無款可  
動經軍機大臣會議荊州駐防紅白事件技勇優長  
孤寡人等每年約需銀七千餘兩請動兩淮解楚鹽  
課布稅銀七千兩儘數動撥充 賞如有不敷在於  
朋扣馬價餘剩銀內湊支其 賞過銀數每於年底  
題報前項銀兩每年於三九月由湖北藩司解荆充  
賞四十六年奉部咨綠營武職議給養廉案內將雜  
項銀兩以供綠營武職養廉各省兵丁紅白事件  
賞銀自四十七年爲始俱改爲地丁正項錢糧充

賞又於五十一年經將軍公興第等 奏准荊州駐防年久兵丁生齒日繁紅白事件較前倍增請將每年藩司移解滿營 賞銀七千兩內以五千兩作爲紅白事件 賞項如有不敷移咨湖廣總督動撥賞給設有餘剩留備下年 賞用以二千兩爲技勇優長兵丁及窮苦人等之用不得逾二千兩之數將此二項 賞銀仍於年底 題報再現今實無養贍之鮮寡孤獨人等每月每名 賞銀一兩如有添裁按季咨報此項 賞銀入於兵丁 奏銷冊內咨報續於道光二年五月內准戶部咨開嗣後駐防紅白

賞項除例准動支外如有不敷添撥在五百兩以上  
遵照定例 奏明動撥等因 歷經遵照辦理 自軍興  
以後奉文減半支給 同治十二年准湖廣總督咨開  
自秋季起所有兵丁白事並技勇優長 賞銀業經  
奏准仍照向例全數支放 以示體恤 紅事仍照例暫  
停應 賞條款開列於後

領催前鋒紅事賞銀六兩

白事賞銀十二兩

甲兵紅事賞銀五兩

白事賞銀十兩

礮手匠役步兵養育兵紅事賞銀四兩

白事賞銀八兩

無親族鰥寡孤獨人等紅事賞銀三兩

白事賞銀六兩

閑散紅白事照養育兵之例賞給

八旗技勇優長人等或騎射優嫻或清語熟練或躡  
跤馴馬嫻熟或鳥鎗打牌中三鎗二鎗或救火勇往  
或獲逃多次人等分別等第獎賞年底各旗各佐領  
下保送窮苦小甲各二三名不等每名賞銀三兩

荊州駐防八旗志卷六

食貨志第二

銀庫

一公項銀四萬兩於乾隆三十五年五月內奉部咨  
經將機大臣議定荊州駐防官兵遇有出差事件酌  
借銀兩在於該省存剩耗羨銀內動撥一萬六千兩  
解荆做照江甯之例酌定條款借給所借銀兩俱作  
二十四個月依限扣還而一年借出收回各數目於  
年底分晰造冊送部查覈又於四十三年經前任將  
軍公興肇會同湖廣總督三寶等覆奏荊州喂養

馬匹情形案內添撥銀二萬四千兩合爲四萬兩酌量借給官兵公項改作三十個月扣還應借條款開列於後

一官員出差每官一員借銀四十兩每兵借銀二十兩赴京引 見者

協領借銀五十兩

輕車都尉借銀四十兩

佐領 騎都尉 各借銀四十兩

騎尉 雲騎尉 各借銀四十兩

監生 筆帖式 各借銀三十兩

領催

各借銀二十兩

一官員遇有祖父母父母本身妻室白事娶妻娶媳  
嫁女紅事及兵丁紅白事件

協領借銀四十兩

佐領借銀三十兩

防禦借銀二十五兩

驛馬校借銀二十兩  
恩騎尉借銀二十兩

廕生借銀八兩

甲兵至餘兵借銀六兩

一兵丁立馬借銀十二兩原係八兩乾隆四十三年  
奏明改爲十二兩

一礮手赴入嶺山演礮借銀一兩五錢

以上八款統作三十個月依限扣還若借過三次不准再借如有勢不得已之事扣還三分之一者方准再借

荊州駐防八旗志卷六

食貨志第三

戶口

康熙二十二年駐防來荆合八旗滿蒙共計一萬五千餘名口遞年加增未能悉載自六十年分撥成都滿洲蒙古官兵一千六百名共計男婦大小五千餘名口厥後生齒日繁逐年造冊報部迨同治十年分撥江甯滿洲蒙古官兵共五百餘戶二千六百三十八名口光緒元年分撥杭州滿洲蒙古官兵共三百餘戶一千九百三十三名口二年復分撥江甯滿洲

蒙古官兵共三百餘戶一千四百二十一各口迄今  
光緒六年現存共

荊州駐防八旗志卷六

食貨志第四

領支

將軍一員歲支俸銀一百八十兩養廉銀一千五百兩白中米石共折銀一百四十四兩九錢四季津貼銀一千七百兩每年共支銀三千五百二十四兩九錢

副都統二員各歲支俸銀一百五十五兩養廉銀六百兩白中米石共折銀一百二十六兩五錢一分四季津貼銀五百兩馬乾折銀一百五十二兩二錢八

分米豆草折銀一百七十四兩每年各共支銀一千七百七兩七錢九分

協領兼佐領十員各歲支俸銀一百三十兩白中米石共折銀一百八兩一錢五分馬乾折銀一百二十一兩八錢二分四釐每年各共支銀三百五十九兩九錢七分四釐

佐領四十六員各歲支俸銀一百五兩白中米石共折銀七十一兩四錢馬乾折銀八十一兩二錢一分六釐每年各共支銀二百五十七兩六錢一分六釐防禁五十六員各歲支俸銀八十兩白中米石共折

銀四十九兩三錢五分馬乾折銀五十兩七錢六分  
每年各共支銀一百八十兩一錢一分

驍騎校五十六員各歲支俸銀六十兩白中米石共  
折銀四十二兩馬乾折銀四十兩六錢八釐每年各  
共支銀一百四十二兩六錢八釐

筆帖式三員由舉人補授者係七品歲支俸銀三十  
三兩白中米石共折銀四十二兩馬乾折銀四十兩  
六錢八釐每年共支銀一百十五兩六錢八釐由生  
員補授者係八品歲支俸銀二十八兩白中米石共  
折銀三十四兩六錢五分馬乾折銀四十兩六錢八

釐每年共支銀一百三兩二錢五分八釐由領催前  
鋒甲兵補授者係九品歲支俸銀二十一兩一錢一  
分四釐九品無白米中米折銀二十九兩四錢馬乾  
折銀三十兩四錢五分六釐每年共支銀八十兩九  
錢七釐

輕車都尉歲支俸銀一百六十兩白中米石共折銀  
九十五兩二錢八分七釐五絲每年共支銀二百五  
十五兩二錢八分七釐五絲

騎都尉兼一雲騎尉歲支俸銀一百三十五兩白中  
米石共折銀八十兩五錢八分七釐五絲每年共支

銀二百十五兩五錢八分七釐五絲

騎都尉歲支俸銀一百十兩白中米石共折銀六十  
四兩五分每年共支銀一百七十四兩五分

雲騎尉歲支俸銀八十五兩白中米石共折銀四十  
九兩三錢五分每年共支銀一百三十四兩三錢五  
分

恩騎尉歲支俸銀四十五兩中米折銀三十一兩五  
錢每年共支銀七十六兩五錢

恩監生歲支俸銀二十六兩白中米石共折銀三十  
四兩六錢五分馬乾折銀四十兩六錢八釐每年共

支銀一百一兩二錢五分八釐

領催前鋒各歲支餉銀三十六兩甲兵各歲支餉銀  
二十四兩中米折銀三十六兩七錢五分馬乾折銀  
二十兩三錢四釐喂馬口分銀三兩二錢七分六釐  
領催前鋒每年共支銀九十六兩三錢三分甲兵每  
年共支銀八十四兩三錢三分

礮手歲支餉銀二十四兩中米折銀二十五兩七錢  
二分五釐每年共支銀四十九兩七錢二分五釐  
匠役歲支餉銀十二兩中米折銀二十九兩四錢每  
年共支銀四十一兩四錢

委甲兵歲支銀二十四兩

無米

步甲歲支餉銀十二兩中米折銀七兩三錢五分每  
年共支銀十九兩三錢五分

新增步甲歲支餉銀十二兩中米折銀四兩二錢每  
年共支銀十六兩二錢由馬廐稞租項下動支

養育兵歲支餉銀十八兩

無米

餘兵歲支餉銀十二兩

無米

荊州駐防八旗志卷六

食貨志第五

紅白器用局

按局設自嘉慶九年將軍公積拉堪軫念晉京引

見之員資斧多虞不濟貧窮孤女婚嫁每致愆期  
乃倡募湖南北之當道者復於八旗官員暨領催前  
營內酌量收集共得資六千金以四千金發交八旗  
生息議定章程爲官員借支引 見費兼賞孤女

聘嫁資共二千兩立紅白局以古樓街路東之廢署  
改置乾隆三年裁筆帖式一員公署遂廢製婚喪應

用之器具租於兵所獲息陸續散給原存各官兵名  
日局租嗣後歷年既久間有廢弛繼以軍興之餘百  
物凋敝器具日形朽壞息款亦無復存咸豐間將軍  
綿洵體察徃事釐定新章函商湖廣督撫集捐制錢  
二千緡重修屋舍製造器具特派弁兵輪班經理每  
年所獲息租除給孤女婚嫁賞項外則於年終覈實  
酌濟鰥寡無依者以抒困窮迨同治七年直省軍務  
平定道路肅清補官缺者仍照向例揀選擬定正陪  
咨送引 見將軍巴揚阿念其長途跋涉艱於斧  
資且局存庫餘難敷迺令於徵收新淤洲地租項下

撥銀三千兩存局飭立條規永遠作爲引  
京者借用之款照章分作五年按月歸還

見晉

荊州駐防八旗志卷六

食貨志第六

倉廩

南糧倉在荊州府署後八旗官兵每月所支米石原係由湖南北各州縣完解以供滿營支領咸豐八年湖北巡撫胡林翼奏請改漕爲折每石折銀九錢同治三年湖廣總督官文奏請增銀三錢每石折銀一兩二錢同治九年荊州將軍巴揚阿奏請增銀二錢每石折銀一兩四錢每年分作四季由湖北糧儲道委解來荆供支惟七八九等月仍照原章折

色每石支銀七錢

儲備倉在將軍署影壁西首光緒三年八旗官兵自請集費捐建經將軍侯希元派員買穀儲存以備荒歉之年米價高昂即行散放仍照原價分作二年扣還歸款俟價平再行買補入倉

荊州駐防八旗志卷六

食貨志第七

廠地開墾

八旗牧馬廠地坐落石首監利潛江枝江等縣共計  
二萬餘畝共計課錢八千串有奇咸豐十一年經前  
任大學士湖廣總督官文前署將軍富森會同 奏  
准因節次減拴馬一千匹毋庸赴廠牧養所有廠地  
招民間墾勘分三則升科所得課租增添巡防漢城  
步兵二百名之餉精盈餘銀兩以備遇閏加增並備  
荒歉之年租項無著時分別籌補遵照部議章程每

居五年由本處咨會督撫委員來荆會同旗員前往  
各處厥地會勘大丈一次嗣後兩次大丈先後會勘  
得塌陷陞漲各田數目造冊咨部實存田一萬七千  
餘畝實徵租七千串有零合報部銀數不敷開銷兵  
餉擬請增減課租變通章程光緒二年七月初四日  
經前任將軍巴揚阿會同督撫入 奏九月十六日  
准戶部咨開內閣抄出荆州將軍巴揚阿等 奏會  
勘荆州馬廠地畝變通增減課租一摺奉 旨戶  
部知道欽此

上則每畝加徵銀一錢八分五釐共徵銀三錢七分

中則每畝加徵銀八分八釐共徵銀二錢五分八釐  
下則每畝減去銀二分實徵銀一錢三分五釐

新淤洲稞租

新淤洲坐落荆江南岸咸豐十一年經前署將軍富  
森奏明歸入旗營牧放馬匹復因洲地淤阜濕潮  
較重招民間墾歲獲租錢一千八百餘串前經湖北  
巡撫胡林翼批准此項地租歸作旗營書院膏火山  
長束修暨雜項公用並幫貼中式進士卷費等用毋  
庸報部